

寅 27
3

國藥體用
醫信掇存
合刊

家既題



國藥體用箋

何鍵題



影近任主務教校專醫國南湖



謙 守 鄭



國藥體用箋序

藥物之學代有名著大都本神農本草增訂補注惟明李時珍撰本草綱目一書列藥凡二千餘種詳述其名稱產地形狀性味分量功用炮製畏使等條分縷晰蔚成巨觀海外多詮譯之然從未有方藥合參以資對鏡者吾友鄭君守謙以醫名於時萃力撰著而於藥物尤爲詳盡近復掇其精華分氣血六氣五臟十三門都二百四十六味發明義例各舉經方以證明之顏曰國藥體用箋余維藥物功用以治療之效能而定知舉方而不明何者爲方中之主要是猶鼓棹中流而茫然莫知其涯涘也是編方藥對照體用具彰釋義如鄭氏詩箋說理似宋人語錄批隙導窾攝要鉤元能令讀者知其然且能知其所以然亟應壽諸棗梨以供同好庶使吾國固有學術得以昌明謂非迷津之一寶筏乎余將樂觀厥成焉是爲序

民國乙亥中秋既望越六日湖南國醫專科學校校長衡山劉嶽崙篤髯甫序

白叙

治病以藥用藥則在乎醫讀神農本經而不明伊仲製方之義則惑矣然考古方以知用藥之法又不如卽古方以證明各藥功用之專能此藥物方劑之必須合參乃得收治療上之特效也伊仲用神農之藥而方義入神余輩讀經方而藥義以達分其類以錄之別諸藥之所長也舉其方以證之求諸藥之實驗也方藥對照體明用彰藉以識古人用藥之意毋泛辭也惟其簡括故曰箋焉

民國一九庚午歲中秋前二十日編者識



七葉心傳金不換

龍泉一夜出豐城

體能見道終難祕

用待無遺始足驚

漫信鼠狐能作祟

須知草木也皆兵

籠中多少非凡品

要向先生盡問名

棣華開後感幽居

喜有庭前帶草紆

秋月一簾雲五色

蘭臺深處讀奇書

箸書休恨古人多

儘有新編玉一窠

本草重繙三百六

共看醫壘鬱嵯峨

喬梓湖湘負重名

知君醫學早純精

手編紅藥春風至

筆點丹爐玉露生

宏濟艱難同宰相

解除痛哭勝奇兵

因茲白髮龍鍾老

亦得延年寓太平

玉函珍重少知音

朱墨留題識苦心

上藥待求搜百草

名方多驗抵千金

圖經盡洩囊中祕

鍼砭居然座右箴

且喜鄭公鄉土近

芝田尺咫種人蓂

守謙先生粲政

余華龕呈稿

叔審安題

從兄貽吉題



無病呻吟日漸多 未能醫國奈人何
子產濟民猶患涉 尼山諱禱不成疴
多識人間草木名 經方品類別粗精
學足三冬髦士業 編成八陣大夫兵
牛溲已借韓文重 薏苡何傷馬謖訛
修齊治道都宜慎 皮裏春秋耐琢磨
心遊化物渾無礙 目擊蒿藜太瘦生
相期蓄艾青囊裏 賣比韓康價特平

編者自述



藥物體用箋總目

氣藥類一 通利 二十味

氣藥類二 補養 四味

血藥類一 通利 二十九味

血藥類二 補養 五味

風藥類一 外風 九味

風藥類二 內風 十六味

寒藥類一 外感風寒 八味

寒藥類二 內生寒冷 十四味

火藥類一 清涼退熱 十七味

火藥類二 苦寒洩實 十三味



北京中醫藥大學圖書館版權所有

燥藥類

滋潤血液

十二味

濕藥類一

滲利品

十六味

濕藥類二

宣燥品

七味

痰藥類一

猛劑

十一味

痰藥類二

降導

五味

肝臟藥類

十四味

心臟藥類

十一味

脾臟藥類

十二味

肺臟藥類

十味

腎臟藥類

十三味

全部共收藥二百四十六味附入者不計

氣藥類一

1 沉香

2 烏藥

3 木香

4 橘皮—青皮

5 香附

6 厚樸

7 枳實 附 枳殼

8 檳榔 附 大腹皮

9 桔梗

10 蘇梗



11 砂仁

12 白蔻

13 蘿蔔子
——胡蘿蔔子

14 藿香

15 香薷

16 茴香

17 艾葉

18 丁香



氣藥類之一

通利品凡二十味
附入不計

長沙鄭守謙輯

弟頌昇校字

沉香

香木類

沉水不壞芳香流動其精氣內蘊故不腐潰主治在內氣道之病而能使不沸溢世恆以治氣動衝痛之疾取其順導諸氣而歸納於肝腎至陰之處爲攻劑中之佳品焉局方黑錫丹治上實下虛痰冷奔豚用沉香以助硫黃黑錫肉桂之功王隱君礞石滾痰丸以沉香合芩黃同用亦取苦降芳散之力且痰爲水類沉香固足化濁於水中沉潛安奠有鎮攝之功也

烏藥

香木類

氣味辛溫治膀胱腎間冷氣攻痛兼主中惡腹痛消宿食蓋能濟陰中陽氣之不匱而轉冷氣爲發育條達之氣故也



局方烏沉湯治一切冷氣、癥、癖、刺痛。烏藥、沉香、人參、甘草爲末，薑茶湯下。

又局方小烏沉丸治氣逆、便血不止。烏藥、香附子、炙甘草研丸。

木香 芳草類 用根

辛散苦降洩肺疏肝。治寒中食積、氣滯、毒疫等病、兼透絡定痛。

局方青木香丸治食積寒疝。木香、牽牛、固脂、萆澄茄、檳榔、泛水爲丸。一方加丁香、神麴。

巴豆

外臺載必效青木香丸主氣滿腹脹、兼冷方。木香、檳榔、大黃、芍藥、訶梨勒、枳實、桂心、搗。

篩蜜丸。

又千金方傷寒雜症篇治熱病後發豌豆瘡方有用青木香二兩、水煎頓服。一法則取洩肺肝而治毒疫之驗耳。

橘皮……青皮 果類

辛苦微溫和中利氣治嘔逆除痰飲黃橘皮氣香而緩青橘皮氣厚而峻故世謂陳者理。

肺脾青者洩肝逆。陳皮治高氣。青皮快低氣。治高氣者流行脾肺大絡肌肉毛孔助真氣以通利水穀。快低氣者則平肝逆。且除氣聚成形之患焉。

金匱橘皮湯治乾嘔。橘皮竹茹湯治噦逆。千金方橘皮湯治妊娠嘔吐。卽金匱橘皮竹茹方。而去大棗加白朮。厚樸無非和中降逆兼理肝胃之效。並無青皮陳皮之分。若後世之以陳皮止痰嗽降嘔逆。而以青皮專治肝胃氣痛及疝瘕瘡疾等類。則鑿矣。

香附子 芳草類

莎草根辛苦甘平調氣達鬱。能出胸膈以至於一身經脈之間。是擅闔闢之能者。故世以利三焦解六鬱。附註六鬱爲痰火氣血食溼香附但不宜於火症也

局方治心腹脹塞噫氣吞酸及痰逆嘔惡宿酒不解。方用香附子砂仁甘草粗末煎服。名快氣湯。又治心腹刺痛調中快氣小烏沉湯。香附子焙十二兩烏藥十兩甘草一兩爲末每服二錢鹽湯調下。

厚樸 喬木類 卽榛樹



辛通苦降能瀉中宮實滿。溫散寒滯諸邪。除治腹痛脹滿冷逆之外。且能外達皮毛肌表之分。辛散向外。以皮從皮。兼利皮膚氣着。

仲景厚朴三物七物兩方證曰。痛閉腹滿。小承氣湯證曰。腹滿不通。厚朴生薑甘草湯。夏人參湯證曰。腹脹滿。其伴人參者。則因發汗後之腹滿爲實中夾虛故也。

又外達表分者。有厚朴麻黃湯及桂枝加厚朴杏子湯。是借其疏導氣機。聯表藥外達而橫出於肺衛之部耳。

又咽中如有炙轆之半。夏厚朴湯因痰氣之着於最高部分。有中病及上裏病聯表之關。故亦用着表疏氣之厚朴以利肺焉。憶昔賢云。厚朴利氣之着於外者。枳實則利氣之懸於中者。厚朴除滿而脹者。枳實則除滿而且堅。故枳實治痛爲長。而厚朴僅治滿爲長。若此則似有內外輕重兼虛兼實之分。故仲景方中每多聯用枳樸之處。學者也不可不察也。

枳實

灌木類……

枳殼

附後



酸苦微寒破胸下滯氣亦結者導之使行之義耳胸脇痰僻脹滿痞痛諸裏實證皆主之
仲景枳朮湯治心下堅大如盤枳實芍藥散治腹痛煩滿枳實薤白桂枝湯治胸滿大
小承氣各方治不大便而腹痛脹滿皆實證之懸於胸膈或結於中州者故假形圓
而氣兼香臭之枳實以醒脾破積轉旋大氣焉以此與厚朴對勘則知厚朴向表爲
多而枳實則專向裏以趨下也

附 枳殼 卽枳實之大者

宣發散氣較枳實稍輕唐開寶始分枳實枳殼爲二品僅以寬胸膈積氣也許叔微本事
方枳殼散治心下痞悶噯氣枳殼白朮檳榔香附子

檳榔 喬木類……大腹皮 附後

辛溫體降由脾胃直達肛門無堅不破清穀除痰具和鬯氣機通調水穀之力兼治溼蘊
生蟲

千金胸痺門檳榔湯與積氣門檳榔湯有一簡一繁之妙胸痺破氣單用檳榔一味合

童便頓服此病在中上之交而有氣血雙閉之虞者也。積聚氣實則爲表裏寒凝之患。故用金匱大黃附子細辛湯而加檳榔半夏乾薑紫苑柴胡橘皮紫蘇茯苓甘草數味佐之以成通裏達表之功焉。至於脾寒不化勞倦脹滿者則當主導氣溫中故又另立一檳榔散方用檳榔茯苓陳麴麥芽厚樸白朮吳萸橘皮復用人參之補以佐之也。

檳榔殺蟲可舉外臺方治蟲嚙心痛之鶴虱檳榔散爲例其方卽以二味煎服亦覺簡當。

附 大腹皮

卽大腹檳榔實之皮 唐宋方中鮮用之者

辛溫泄肺溫脾外疏皮膚內寬膨脹治中州水氣諸疾及婦人胎氣惡阻脹悶因其氣味淡薄故有輕可去實之能。

局方藿香正氣散內用大腹皮方見藿香下

徐靈胎古方解載嚴氏紫蘇散治子懸腹痛臨產氣結方極平善因錄出之 大腹皮

